

**RESOLUCIÓN do 30 de decembro de 2025 pola que se dá publicidade do acordo do Consello de Dirección que aproba as bases reguladoras das axudas para a mellora da capacidade da innovación e o desenvolvemento tecnolóxico das empresas en Galicia, a través da aplicación de servizos de innovación, programa Ticket Innova para o ano 2026, e se procede á súa convocatoria. Instituto Galego de Promoción Económica (DOG N° 10, 16/01/2026)**

## Obxecto

Esta resolución ten por obxecto aprobar as bases reguladoras para a concesión de axudas destinadas a incentivar o uso de servizos para o desenvolvemento tecnolóxico e a innovación polas pequenas e medianas empresas (pemes), en especial, polas pertencentes a sectores tradicionais non intensivos en innovación.

As axudas destinaranse a financiar a contratación polas pemes de servizos especializados de apoio á innovación, que inclúan os servizos relativos á xestión da innovación e a súa implantación no mercado, realizados a través de empresas de consultoría especializadas na prestación de servizos de innovación, centros tecnolóxicos galegos, hubs de innovación dixital, etc.

Estas axudas tramitaranse polo réxime de **concorrenza non competitiva**.

O código de procedemento é **IG408K**

## Persoas beneficiarias

Pequenas e medianas empresas ou cun centro de traballo en Galicia

## Conceptos subvencionables

Serán subvencionables os custos de contratación de servizos externos especializados en materia de innovación e desenvolvemento tecnolóxico (empresas especializadas en innovación e centros tecnolóxicos) efectuados desde o 1 de xaneiro de 2026 ata a data da solicitude de axuda.

O importe mínimo de gasto subvencionable deberá acadar os 5.000 euros.

Existen varias modalidades de tickets Innova:

- 1) Estratexia e xestión da innovación.
  - Estudos de viabilidade tecnolóxica e industria.
  - Estudos de vixilancia tecnolóxica e estado da técnica.
  - Auditoría/consultoría en produto/servizo.
  - Estudos de mercado, ensaios, testaxe e validación experimental de novos prototipos de novos produtos e/ou servizos, procesos piloto, novos métodos ou materiais.
  - Obtención de certificacións de normas oficiais vinculadas á actividade innovadora.
  - Asesoramento para a identificación, monitorización e acompañamento de licitacións de CPI (compra pública de innovación).
  - Actividades de deseño industrial, enxeñería e posta a punto de novos sistemas de produción vinculados a novos produtos, procesos ou servizos diferenciadores.
- 2) Deseño para a innovación.
  - Conceptualización e deseño de novos produtos e servizos diferenciais.
  - Deseño de marca e identidade corporativa.
- 3) Xestión da protección do coñecemento da innovación.

- Asesoramento na xestión da protección do coñecemento da innovación industrial patentes, marcas comerciais e deseños industriais, etc.
- 4) Certificacións para as deducións fiscais en I+D+i.
- 5) Preparación de propostas a programas e axudas europeos.
- 6) Deseño de novos procesos ou servizos baseados en tecnoloxías dixitais emerxentes.
  - Realidade aumentada, impresión 3D, automatización avanzada e robótica, así como a internet das cousas ou sistemas intelixentes embebidos.
  - Sistemas de intelixencia artificial (intelixencia de negocio, *big data* e similares).
  - Ciberseguridade.
- 7) Diagnósticos de madurez do dato.

Non serán subvencionables:

- a) Cumprimento de normativa obrigatoria.
- b) Análises, ensaios ou caracterizacións habituais ou recorrentes non vinculados ao proxecto subvencionable.
- c) Fabricación ou produción de prototipos.
- d) Implantación de certificados de calidade, ambiente, boas prácticas ou similares.
- e) Análise, ensaios ou caracterizacións habituais ou recorrentes.
- f) Calquera tipo de acción formativa.
- g) Accións de implantación de solucións dixitais na empresa que non supoñan innovacións en servizos, procesos e organización: como melloras de aplicacións ou software xa existente ou a súa adaptación, os desenvolvementos ofimáticos (ERP, CRM, páxinas web, plataformas de comercio electrónico, xestións de redes, clientes, intelixencia e análise de negocios), e ferramentas de oficina virtual, financeiras ou contables, e calquera outra aplicación asimilable ás citadas.
- h) Servizos de telecomunicacións ou de almacenamento ou hospedaxe da información.
- i) Arrendamento de equipos (hardware), redes ou sistemas físicos de tecnoloxías.

## Contía das axudas

Concederáse unha axuda do 80 %, ata un máximo inferior a 30.000 euros, para os gastos realizados pola empresa beneficiaria durante o período subvencionable.

Gasto	Subvención	Intensidade
De 5.000 € - 37.500 €	De 4.000 € - 30.000 €	80 %

## Réxime de *minimis*

As axudas que se concedan ao abeiro destas bases terán a consideración de axuda *de minimis*.

## Prazo de execución

Serán subvencionables os custos de contratación de servizos externos especializados en materia de innovación e desenvolvemento tecnolóxico (empresas especializadas en innovación e centros tecnolóxicos), efectuados dende o 1 de xaneiro de 2026 ata a data de solicitude de axuda.

## **Prazo de presentación de solicitudes**

O prazo para a presentación de solicitudes estará aberto dende o **26 de xaneiro ata o 30 de setembro de 2026**.